

巴東縣志卷之三

建置志

城池

縣治依巴山之麓背山爲城面水爲池前濱江岸後  
偏高峰營建所不能施故向無城郭

學宮

儒學在縣治左五步許依巴山脉北向明洪武初建  
正統天順間葺之成化中知縣鮑宣安重建正德  
嘉靖中知縣盛杲王魯葉禎葺之隆慶間火知縣

巴東縣志

卷之三

建置城池學宮

鄒光裕遷建於壽寧寺基不利萬歷十五年知縣  
高尙德改復今址三十二年知縣張尙儒葺之天  
啟初知縣李赤遷廟於江北蕭公祠之東未成尋  
廢於寇

國朝康熙四年知縣蔣希古改建今址之後葺茅爲  
之聊供祀事耳十一年知縣陳說復建今址二十  
二年知縣齊祖望增修嘉慶十一年三月山水沖  
潰十八年知縣袁泉重修復圯同治五年知縣廖  
恩樹教諭張維崑重修凡八月而工始竣





文廟正殿

明嘉靖間知縣葉禎修凡八楹萬歷間知縣高尙德因圯重修視舊稍狹國朝康熙十一年知縣陳說重建二十二年知縣齊祖望

訓導舒士璇葺之水冲圯嘉慶十八年知縣袁泉重修歲久復圯同治五年知縣廖恩樹教諭張維崑重修前爲露臺爲東西兩

廡各十二楹高尙德重修廢國朝知縣齊祖望廡殿北向故東廡反在西廡反在東明葉禎修

訓導舒士璇重修水冲圯知縣袁泉重修兩廡前歲久復圯知縣廖恩樹教諭張維崑重建

左爲名宦祠右爲鄉賢祠明初建在寇公祠左高儒改建戟門外廢國朝知縣齊祖望訓導舒士

璇因舊址復建水冲圯知縣袁泉改建今址歲久復圯知縣廖恩樹前爲戟門兩廡稱高尚德重修

教諭張維崑重建國朝知縣齊祖望訓導舒士璇重修水冲圯知縣袁泉重建歲久復圯知縣廖恩樹教諭張維

知縣袁泉重建歲久復圯知縣廖恩樹教諭張維崑重建歲久復圯知縣廖恩樹教諭張維崑重建

望訓導舒士璇重建水冲圯知縣袁泉重建歲久復圯知縣廖恩樹教諭張維崑重建

巴東縣志

卷之三

高重門右爲節孝祠舊志此祠無考知縣袁泉建

張維崑又前爲櫺星門明葉禎修凡四楹高尚德

望訓導舒士璇重建水冲圯知縣袁泉重建又前

爲泮宮坊明初建久廢基爲居民所占張尙儒買

唐可言督修廢國朝知縣齊祖望於櫺星門外

樹教諭張殿後爲啟聖祠明知縣許周修廢國

維崑葺之殿後爲啟聖祠明知縣許周修廢國

士璇重建雍正元年奉文改爲崇聖祠水冲圯知

縣袁泉重建歲久復圯知縣廖恩樹教諭張維崑

重祠後爲訓導廡西廡實在此後爲祭器庫明張

廢東廡實在此左有溝爲青雲橋由橋而入爲明倫



堂明高尙德修廢國朝知縣司世教建草亭三

間廢知縣齊祖望訓導舒士璇重修圮道光二

十五年教諭成和珍復修咸堂後為教諭解堂之

豐十一年教諭張維崑葺之下為博文約禮齋廢前為門屏為儒學門明葉禎

東向高尙外左成德坊右達材坊俱廢坊前近江為

明德樓葉禎建廢舊有敬一亭在明倫堂左神廚號舍

在東西廡下文昌書院在文廟後明知射圃在

盛景葉禎建廢山驛共七所後廢社學今失考

公署

縣署南依巴山北向大江明洪武初建正統中重建

巴東縣志

卷之三

建置學宮

公署

三

屢燬於火正德間盛景嘉靖間王魯萬莘增修隆

慶間火鄒光裕改儒學於壽寧寺併學地重建萬

歷間高尙德復學移修張尙儒以水火頻仍用形

家言多所更置後悉廢於寇

國朝康熙初年蔣希古司世教陳說以次修建復廢

於寇齊祖望重建中為拱極堂舊名節愛廳康熙

基建草屋三間廢十九年齊祖望重建始用磚瓦

以縣治坐午向子易今名二十一年奉文以聖

訓清慎勤字扁於額歲久圮乾隆五十六年馮振

鷺重修復圮嘉慶十八年袁泉重建同治二年吳

衡葺堂左為存用庫明初建廢後後為退思堂舊

之



何陋軒蔣希古建草屋三間廢齊祖又後為知縣

望重建易今名圮馮振鷺袁泉重修同治二年黃式度葺之解

蔣希古司世教陳說以次修建燬齊祖望葺之解

後舊有連理閣明張尚儒建廢又後為土地祠廢後移建

解右為簿解舊在縣門外右明嘉靖間李注遷此

簿解前為尉解康熙五年典史孟浩建七年典史顏彬增修十九年典史許百華重建

建圮嘉慶十四年典史饒德修復尉解右舊有吏

建同治五年典史張雨田葺之

舍明萬歷三十五年山水冲廢堂兩翼為六椽房前為儀門蔣希古建并左右角門共為瓦屋五間廢齊祖望重建

巴東縣志

卷之三

四

地祠廢為獄嘉慶二十二年趙棫重修中為正門嘉慶二年火

光二十五年復門上為譙樓即來江樓廢前為屏牆舊

有挹秀門明張尚儒建廢左旌善亭右申明亭明張尚儒重建廢

察院在治北江對岸舊多題咏見藝文廢國朝康熙七年

知縣司世教重建大堂退堂門各三間廚屋一間皆葺茅為之後燬於寇

布政接察分司在治西一里許明洪武間建屢燬知

縣陳璞盛杲戴冕修廢於寇今其基為守備舍

勸農亭在治西南二百里崑為後四里而設明嘉靖

間建長吏歲一至焉後廢於寇



連天關巡檢司在治西南五百里金鷄口明洪武初  
建萬歷四十一年知縣李光前委署司南邏巡檢  
程中達重建官廳二間左右方兵房共四間門牌  
一間居民覃大恭協力建哨樓三間  
豎界表二楹  
後燬於寇

國朝康熙六年巡檢繩墨建官廳二間廢二十二年  
巡檢徐乾錫重建復廢

野三關巡檢司在治西南二百五十里廢康熙二十

年巡檢羅秉瑛重建廢雍正八年移建勸農亭一  
乾隆三十八年巫巡  
檢移建未知孰是燬於寇嘉慶四年巡檢李維

巴東縣志

卷之三

建置公署

五

新重建嘉慶二十年火巡檢徐龍章補修

守備署在治西一里許即布政按察  
分司舊基康熙三十四年

守備張武葺之

千總署在治西南六十五里二尖觀

左司把總署在治西南五百里紅砂堡

右司把總署在治西八十里萬流驛

左司外委向未建署在縣治僦居民舍

右司外委署在治南四十里茶店舖

僧會司在壽寧寺今移城隍廟



道會司在三朝觀廢

陰陽學在治右廢

醫學在巴山驛後廢

壇廟

先農壇在治東南一里許

雍正四年奉文設立壇壝并置藉田四畝九分

社稷壇向在治東南一里許

共工氏之子勾龍為后土能平水土祀以為社

列山氏之子柱能植百穀夏以前祀為稷至殷以柱久遠而堯時棄為后稷亦能植百穀故廢柱祀

棄雍正二年奉文社稷壇稱縣社之神縣稷之神

雍正十年知縣白雲龍移建治西二里許道光十

巴東縣志

卷之三

建置壇廟

六

七年知縣饒拱辰重建

風雲雷雨山川城隍壇向在治西二里許

周禮祀風師雨師唐

天寶五載始祀雷明加以雲合為一壇城隍地道也故與風雲雷雨山川並壇而祭雍正二

年奉文安設神位風雲雷雨之神居中某縣山川

之神居左某縣城隍之神居右雍正十年知縣白

雲龍移建治東南半里許道光十七年知縣饒拱

辰重修

邑厲壇在治東北二里許

明洪武三年命天下鄉邑郡國立壇以祭無祀鬼神

鄉厲壇例在各里都閭立缺及期附邑壇以祭



城隍廟在治西一里許上街明洪武初建天順間知縣鮑宣安重建正德間知縣盛杲葺之嘉靖間火知縣許周葺之萬歷間知縣張尙儒重建廢

國朝康熙七年知縣司世教重建圮道光十四年知

縣饒拱辰重建

秦功臣馮尙夢感於漢高祖日奉天帝命與王領城隍陰事故迄今

爲天下通祀明初加封號旋去之後又令毀像設主置公座筆硯悉如公廨新官到任俾其與神誓

玉皇閣在治西二里許明萬歷十三年羽士王道成

募建廢 國朝康熙十六年重建復廢咸豐三年

知縣德濂守備雲騰貴重建咸豐八年邑人葉鳴

巴東縣志 卷之三

建置壇廟

遠等葺之

文昌閣舊在學宮左廢明萬歷三十二年知縣張尙

儒委民吳士美賈廷瑤改建治東二里許與玉皇

閣東西相望廢

萬歷間茶商張少雲捐置香火地於縣西南四十里地名母猪崖歲

得稞銀二兩八錢今荒

國朝道光十七年知縣饒拱辰重

建增置後殿

一在治西六十五里火峯同治元年廩生薛一州倡建

關聖帝君廟一在治東一里許明萬歷三十二年賈

登等重修 國朝康熙十年彝陵總兵官徐公治

都增建拜殿圮同治三年知縣吳衡守備劉步瀛



重建一在治北四十里水獺坪嘉慶九年宜昌總兵官吉公林泰遊擊毛秉綱捐建置香火地一在治北五十里平陽上壩久廢咸豐八年邑人邢登庸等重建一在治西北一百二十里淡子溪久廢東嶽廟在治東一里許康熙十四年重修圮道光十年貢生高駿等重修

龍神祠在治西一里許嘉慶十一年知縣宣葆光重修一在治西三十里官渡口嘉慶二十四年四川學使吳舟行殆覆忽風吹到岸見石崖上有龍神

巴東縣志

卷之三

建置壇廟

八

像抵任後倡修

火神廟在治西高崗下原名二郎廟嘉慶二十年貢生馮遇泰職員魯江錫改建視今稍狹道光二十四年邑人魯秀年王國樑等重建

鎮江閣在治西一里許嘉慶二十一年邑人宋長泰等同建同治二年火

寇公祠在舊縣宋乾道間廢縣尉王甯孫卽秋風亭祀之明景泰五年改建今治學宮之左正德間盛杲葺之爲屋五楹以居守者火後重建視舊稍隘



萬歷三十二年張尙儒增修置拜殿復廢 國朝  
康熙六年知縣司世教重建復廢於寇

三公祠在萊公祠左祀明知縣盛杲葉禎鄒光裕康  
熙間火

四公祠在治西信陵書院右道光十八年建祀明知

縣盛杲葉禎鄒光裕張尙儒 本張公祠舊址詳見四公祠記

杜少陵祠在西灤明知縣王魯建主簿甘大耀監生  
向九洲重建圯知縣李維棟重修楊春芳始以春  
秋仲月上庚日致祭其祝文曰維公大唐才子今

巴東縣志 卷之三 建置壇廟 九

古文雄愛君憂國學富詩工草堂寄寓灤之西東  
春秋蘋藻千載高風祠廢於寇

許旌陽廟一名萬壽宮乾隆二年建嘉慶二年火客  
民皮太盛等重建道光十八年增修後殿今

朝賀諸大典皆行禮於此

水府蕭公廟一在治北對岸飛鳳山下明知縣李光  
前重修增置元武殿於後廢 國朝康熙初重建  
復廢於兵惟元武殿存焉一在治西瓦窰溪上廢  
一在東灤一在治西南二百四十里桃符口明萬



歷間廢

漢王廟一在治西南二百里勸農亭左趙宋時建明  
萬歷間葺之 國朝康熙十七年重修圯嘉慶十  
年邑民鄧長壽等重修一在治西南三百二十里  
南灘康熙十七年重修

土主廟一在寇公祠左廢一在治西南五百里連天  
關明嘉靖初建 國朝康熙十二年重修

按土主廟他處罕聞而漢王廟兩見於後里舊志  
以漢王為昭烈非也後里在明以前讀書者寡彼

巴東縣志

卷之三

建置壇廟

倉庫

十

尚不知昭烈為何如人烏得而祀之竊謂後里其  
先世本土人棄而歸漢土主者司土之神蓋其先  
世所祀漢王者司漢之神蓋其歸漢以來所祀漫  
記於此以俟博物者正焉

向王廟在治西南四百二十里支洞康熙八年重修

倉庫

附養濟院

存用庫在治內拱極堂左明初建廢 國朝康熙五

年知縣司世教重建收貯本縣一應存留正雜錢

糧例設庫書一名庫子四名

工食見賦役

復廢後移置



堂右

豐儲倉在治東五十步許明初建火後奉例夏麥秋米俱折銀上庫久廢未修

按舊志有便民倉圖內又作永豐倉今以方位

考之即此但名稱異耳

預備倉六間在治西二里許山川壇前明初建嘉靖

二十四年火知縣許周葺之舊例每年積穀二百

石備賑廢 國朝康熙二十一年知縣齊祖望重

修收貯每年捐穀照例備賑設倉書一名斗級四

名工食見賦役廢

巴東縣志 卷之三

建置倉庫

十一

常平倉四間在預備倉之上明萬歷二十五年直指

趙公檄知縣李維棟建發銀一百兩買穀五百石

積貯聽民價買出陳易新三十一年直指應公朝

卿發銀五十兩買穀二百五十石備賑廢 國朝

嘉慶二十三年知縣趙栻移建廨後

義煮倉二間官廳一間在城隍廟左明萬歷三十二

年分巡道周公應中檄知縣張尙儒建發銀五十

五兩五錢買穀二百五十石零以備凶歲煮粥廢

義倉在縣壽寧寺平陽壩火峰茶店舖等處明萬歷



二十一年知縣羅萬里奉文勸民義建輸積雜糧  
春散秋收輪流掌管廢

養濟院舊在城隍廟西明知縣盛杲建廢後改建治  
東觀音寺之左久廢基存今別爲茅屋以居例該  
招養孤老四名口編銀見賦役

### 驛站

巴山驛在治右明洪武初建廢 國朝康熙五年驛  
官奉裁十九年知縣齊祖望移建於簿解之故基  
復廢後移建江北飛鳳山下

## 巴東縣志

### 卷之三

建置驛站

三

萬流水驛在治西八十里明洪武初設萬歷元年奉  
裁廢

火峯驛在治西六十里 國朝乾隆年移巫山小橋  
驛所置易今名

### 郵政附

巴東當楚蜀通衢輪蹄交錯艤艘如織明初設巴山  
水驛在縣右一里許原額站船十隻每隻水夫十  
名下等鋪陳一副內江陵縣額湊船三隻本縣丁  
糧編僉船七隻又徭編鋪陳庫子一名銀三支應



庫子一名每名銀一十二兩 館夫二名每名銀四兩 萬流水驛

在縣西沂江入峽九十里許其船隻人夫館庫等數與巴山驛同俱本縣編派但水夫本縣止編八十名耳嘉靖中因峽水險甚新開陸路官使多由陸行迎送派於本縣之民而計日工食仍納二驛實為重役知縣許周欲以萬流併入巴山作水馬驛詳請改置未果其陸路由巴遞巫二百里而遙當王忠秦碧之變人馬苦死無算隆慶間貢生向朝恩力請知縣鄒光裕申淮川湖諸上司始題革

巴東縣志 卷之三

建置郵政附

萬流驛添設巴中驛即小橋驛而民困少甦矣先是巴

山驛額夫二百零六名馬三十六匹皆各縣協濟江陵縣夫三十六名監利縣夫九十名松滋縣夫六十名本縣夫二十名石首縣馬九匹枝江縣馬四匹宜都縣馬五匹長陽遠安松滋三縣各馬六匹至萬歷十七年全書裁夫一百二十八名差馬盡行裁革站船裁存四隻每隻夫五名共該二十名又已裁去二十名係裁夫一百二十名之內止存八名並前夫共存七十八名耳每名銀六兩帶閏銀一錢內



本縣編夫二十名該銀一百二十二兩江陵監利  
松滋三縣協濟夫五十名該銀三百零五兩萬歷  
二十三年知縣羅萬理申將前項協濟銀兩抵兌  
遼祿標兵其損夫工食本縣支給各役而站船水  
夫八名仍編監利縣協濟銀四十七兩六錢解府  
轉給本縣徭編排夫一百五十名除後里親支不  
編外每名銀四兩八錢內知縣應役六名實一百  
四十四名走遞脚馬四十匹除後里親支不編外  
每匹銀一十三兩五錢零內驛官迎送騎馬一匹

巴東縣志

卷之三

建置郵政附

四

實二十九匹走遞共編銀一千二百七十四兩二  
錢一分三釐四毫召募應役自五月起至年底止  
續因萬歷十五年新開施州衛險站至河水驛交  
替三日之程而夫馬比舊數迺更減少故巴民不  
勝苦三十年蒙巡撫都御史趙公可懷檄知縣張  
尚儒詳議加增知府徐公時進議增夫三十一名  
每名連閏銀六兩一錢該銀一百八十九兩一錢  
增馬五匹每匹三十兩閏銀五錢該銀一百五十  
二兩五錢申將枝江縣撥運歸州倉麥折改編銀



並撤回協濟枝江所官軍屯糧銀二項俱係空餘  
倉口抵派前增夫馬之數驛傳道周公應治轉白  
趙大中丞批允自三十一年爲始協濟本縣與本  
縣所編夫馬一體應差其本驛支應銀二百兩先  
取足本縣茶稅後茶少稅稀屢經申改內該本府  
楊林洲稞一百兩本縣編銀六十兩油茶稅銀四  
十兩給驛官支用其站船四隻水夫工食先於茶  
稅內派銀七十二兩自茶稅內不敷減編監利縣  
協濟之後而船夫告困僉報爲擾萬歷三十一年

巴東縣志

卷之三

建置郵政附

五

張尙儒申議增夫四名連前八名共夫一十二名  
於油茶稅內取銀二十四兩四錢連監利縣協濟  
銀四十七兩六錢共足原額七十二兩之數募夫  
應役庶乎水陸交有所濟而巴民漸有息肩之期  
惟後四里民不遵條編親當見役故本縣少編夫  
馬銀六百三十七兩一錢零而四里每甲十年一  
輪每年正二三四月一甲獨當一月自備土物赴  
縣雇募夫馬訖無定數富者多爲積猾所欺糜費  
不貲奸頑者負固不出累官設法支持或別甲代



爲賄墊卽親臨上司不無稽留之苦蓋調停之策自昔難之矣

本朝平賊之後陸續招墾驛遞錢糧實徵無幾詳見賦役

而巴山驛於康熙九年始設馬二十五匹每匹該

銀二十一兩六錢內草料銀一十八兩藥餌銀一兩馬夫半名銀三兩六錢共

銀五百六十五兩排夫二十名每名該銀七兩三

錢二分內丁食銀七兩三錢帶閏銀一錢二分共銀一百四十六兩

四錢買馬銀九十兩康熙十三年吳三桂反邑被

陷至十八年始平仍設馬二十五匹排夫二十名

巴東縣志卷之三

建置郵政附

六

歲支銀數如前支領倉口見賦役十九年大兵駐渝餉損

絡繹於道一起至需夫數百名而額夫較前代又

減民乃益困知縣齊祖望詳先撥給沔陽州排夫

二十名該工食銀一百四十六兩四錢以資僱募

事平停給近大兵俱已凱旋蜀餉悉由關陝遞送

而河水驛險站久裁

國朝定例非奉勘合火牌不得應付夫馬頗稱足用

惟是往來官使非當六七月封峽之期類由水路

而船夫未設不得不取充於民蓋向之重役在陸



今之重役在水必如許周張尙儒所議水陸交濟而民始有瘳乎至後四里在

本朝併爲一里丁糧無幾編派與前里同以額設夫馬應付亦同而當差仍自正月起至四月止前四里亦併爲一里除額設夫馬外僱募親支與後里同而當差仍自五月起至十二月止實爲畸重畸輕蓋後里去縣遠民多梗頑不思事異勢殊而強執成規以自便前里亦相安不較然丁糧編派既屬一體近來差使亦稍爲立法調劑期於漸均當

巴東縣志

卷之三

建置郵政附

七

今海內乂安師旅不用所冀各項裁款以次增復俾兩里俱免親當之累則前後之名可勿立矣

附御史孫濟遠請設巴中驛疏

巡按四川監察御史臣孫濟遠謹題

爲懇恩設驛以蘇民困事據四川布政司經歷呈奉本司劄付蒙臣批該四川按察司驛傳道呈先蒙臣該分守川東道呈據夔州府巫山縣并湖廣巴東縣申前事蒙批布按二司再議會報蒙此該本司左布政使羅瑤右布政使馮成能會同按察司按察使徐行驛傳道副使顧言查議得巫山巴東二縣係楚蜀接壤地方蜀道自古稱難而水陸俱險誠莫甚於兩縣之間自嘉靖年來新難水勢壅逆公差員役舍水就陸者益多當此夔陵與歸州之民告疲而就中已設有白沙一驛以爲協濟今巴東之民力較二州不敵十分之一衝要相同接替獨遠里甲困苦井邑蕭條過者徒爲憐恤而



又不容不資應付以濟長途其巫山夫馬亦緣遠道驅馳息肩無日暑雨祁寒動多頽斃止因事關二省彼此推延雖久有建驛小橋之議未免築舍道傍而畫餅望梅竟無濟於兩縣之饑渴也今據川東守巡驛傳該道節經備行該府勘議小橋係兩省適中之地本處原有公館基址頗寬規制亦稱不過外加衙舍一所其費無多且此驛既設則巫山縣附郭高唐驛節次應付循環文簿每次即可省僱夫馬遠送一日之費計一年共該抽出銀三百四十八兩以爲新驛庫館工食鋪陳傘轎廩糧中火等項之用又巫山已編中馬二十匹轎夫八十名每年約共銀一千零八兩巴東已編中馬十匹轎夫四十名每年約共銀五百零四兩新驛諸費似爲敷用但議貴畫一則法令可行行必慮終則事體可永巴東邑小民窮衝要雖與巫山同而疲困十倍之今惟急圖設驛巴固願幫之議恐日久相沿事關隔省一旦協濟不前未免復汎巫山致累新驛文移徒具實用無資況巴東建置郵政附

巴東縣志 卷之三

六

之衝專爲蜀省而衝該縣送至小橋已有一日之程其衝亦未全減似又未可以較小費而忘永圖矣及查重慶府屬每年額編驛傳銀除發各驛遞足用外尚有銀一千八百餘兩解貯司庫合無將坐編巫山縣中馬二十匹該銀四百三十二兩議編巴東出幫夫馬銀五百零四兩免經二縣出辦俱在重慶府剩餘驛傳銀內扣九百三十六兩解發巫山縣貯庫抵兌前項夫馬之用又巫山縣止編轎夫八十名該銀亦省僱募之擾約一日之費共省若干兩且每年又有協濟損夫銀三百六十兩相應於內通融僱募應役其庫館工食鋪陳傘轎廩糧中火等項准於高唐驛省出銀數改支至於修葺驛官衙舍應用木植磚瓦聽於附近去處採辦合用錢糧亦於該縣公費銀兩動支其添設驛分呈乞會同題請欽定驛名鑄印選設官吏該給俸糧就於巫山縣存留倉內支給隸四川夔州府巫山縣管轄度兩省不致互推而一勞得以永逸矣等因到臣該臣會同巡撫四川右僉都御



史曾省吾議照巫巴二縣乃楚蜀接壤上下交衝水陸并險先年水路稱便往來從舟者多民不告困後因新灘石塞水勢涵湧一應往來員役避險就陸夫馬迎送殆無甯日小民困苦萬狀今據司道等官會議新驛錢糧總出蜀省取之剩餘既不從以蘇二邑之困伏乞勅下該部再加酌議上請欽定驛名銓官鑄印令其前來任事吏役聽布政司撥用驛官俸糧於巫山縣庫內存留銀內支給就隸該縣管轄其新驛夫馬共九百三十六兩每年於重慶府剩餘驛傳銀兩照數支解庫館工食鋪陳傘轎廩糧中火等項准於高唐驛省剩銀內改支又巫山縣止編驛夫八十名於所省費並協濟銀內通融僱募驛官衙舍聽支該縣公費修蓋行接管巡按御史並撫臣遵照施行庶兩地之疲民得以息肩而往來胥便矣為此具本專差承役齎捧謹題請旨萬

歷元年二月日具

建置郵政附

巴東縣志

卷之三

九

按舊志康熙時僅巴山驛設馬二十五匹排夫二十名知縣齊祖望議允撥給沔陽州排夫二十名無火峯驛與今制迥別查嘉慶年通志與今制合是火峯驛置在嘉慶年前無疑矣邑中文卷散失無從稽考周諮博訪僉稱乾隆年移小橋驛所置其原委仍莫能深悉今兩驛各設馬二十四每匹該銀二十二兩六錢內草料銀一十八兩藥餌銀一兩馬夫半名銀三兩六錢排夫五十五名巴山驛四十名內撥麗陽驛五名實存三十五名火峯驛二十名每名該銀七兩二錢以上每逢閏月小建俱攤算增除買馬銀一



百六十八兩 每年額銷倒馬十二匹遵照部議

每匹價銀十四兩其倒馬皮價每馬 一兩 共銀一千四百六十八兩坐支民賦 銀八十

錢九分 驛站錢糧 銀二百八十二兩 地丁 銀二百

八釐 兩四錢二 九錢六分六釐 共銀五百七十九兩二錢九分三釐其

不敷銀八百八十八兩一錢零三釐赴 司請領

承平之歲夫馬均稱足用近年軍書旁午勘合火

牌往來交馳殆有奔走不遑之勢同治二年陝省

回匪攻陷褒城西道梗阻 四川制軍駱公咨將

川省摺本公文由巴東繞道往來馳遞是年二月

巴東縣志 卷之三

建置郵政附

三

知縣黃式度稟於二河溪添設腰站 中丞嚴公

深悉巴東山路崎嶇至有馬難馳驟必藉人力者

其應添設馬匹人夫批司道會議月給津貼錢一

百五十千郵政得以無誤嗣因腰站更替轉有遲

延知縣吳衡復將馬夫撤分二驛四年陝路疏通

改由原站津貼奉裁

舖遞

縣前舖舊在治前左小 明萬歷三十二年知縣張尚

儒改建治前右廢 國朝康熙四年知縣蔣希百



改建江北岸蕭公祠下復廢十八年知縣齊祖望

重建徭編舖司兵三名舊係四名每名工食銀四兩閏銀六分六釐六毫見

賦役後撥赴茶店舖一名

赤石舖在治東十里久廢

牛口舖在治東二十里明末廢 國朝康熙四年知

縣蔣希古建十八年知縣齊祖望重建徭編舖司

兵三名工食與縣前舖同

板橋舖在治西十里久廢

西灤舖在治西二十里明末廢 國朝康熙四年蔣

巴東縣志 卷之三

建置舖遞

三

希古建十八年齊祖望重建徭編舖司兵二名工食

與縣前舖同

梅子舖在治西四十里久廢

火峯舖原名路下舖在治西六十里明末廢 國朝

康熙四年蔣希古建十九年齊祖望重建徭編舖

司兵三名每名工食銀五兩閏銀八分三釐二毫見賦役

界嶺舖原名三岔舖在治西九十里與巫山鑼鼓舖

接明末廢 國朝康熙四年蔣希古建十九年齊

祖望重建徭編舖司兵二名工食與縣前舖同



茶店舖在治南四十里明萬歷十五年知縣高尙德

建廢 國朝康熙四年蔣希古建十九年齊祖望

重建循編舖司兵三名舊係二名每名工食銀四兩五錢閏銀七分四釐九

毫見賦役後增入縣前舖一名

古驛舖在治南一百里久廢

支井舖久廢

荆州府志稱往鄖陽舖二曰古驛支井今查縣南安居里有地名古驛去縣約百餘里縣西南前一都有地名支井去縣約二百餘里與縣舊志所載古驛舖方位相符而鄖陽乃在縣北益府志誤也此似是往施州古路當更詳之

後添設五舖

按嘉慶時通志已添四舖惟無祿慈坡一舖其添設年分俱無考

巴東縣志

卷之三

建置舖遞

寺觀

三

觀音塘舖在治西五十里新充舖司兵三名

土地塘舖在治南五里新充舖司兵三名

風吹啞舖在治南二十五里新充舖司兵三名

三尖觀舖在治南六十五里新充舖司兵三名

祿慈坡舖在治西南八十里新充舖司兵二名

以上新充

舖司兵每名工食銀六兩按季赴司請領其祿慈坡舖司兵二名工食銀撥給庫子工食咸豐七年奉裁各舖工食銀八成餘二成津貼捐馬工料

寺觀

壽寧寺在治西南一里許唐貞觀間建寇萊公舊遊



處明嘉靖間寺僧圓勤重建殿宇頗宏麗隆慶間  
遷爲學萬歷十五年復爲寺殘毀大半寺僧道連  
葺之三十二年重建天王殿後毀於寇惟正殿存  
焉 國朝康熙初寺僧如祥葺之道光八年鶴長  
運商李藝之復葺同治二年知縣陳國棟守備歐  
成忠重修前殿寺北有泉極甘冽俗呼爲凉水寺  
鎮江寺在江北對岸飛鳳山下乾隆三十九年廩生  
黃先賢等重修道光十二年邑人黃良輔等同修  
洪山寺在治西一里唐開元中建廢

巴東縣志

卷之三

建置寺觀

三

北山寺在治西南一里明永樂中建廢

觀音寺一在治東二里許廢一在江之右四十里宋  
建明景泰間重修

地藏寺在治西北五里廢

雲峯寺在治西二里許塔院嶺廢

龍昌寺在西灤龍昌洞西廢

白泉寺在治北三十里石板場廢乾隆年重建葺茅  
爲之廢於寇嘉慶年邑民彭昌秀馬興仁募建

寶安寺在治西十五里廢



落鐘寺在治西北四十里紫陽溝雍正二年建道光十二年邑人胡官保雷開周譚正煦周朝陽重建清涼寺在治西北五十里火峯廢乾隆年重建廢於寇道光年間貢生薛祖槐薛德玉募建

古刹寺在治南一百里召化民田憲珊建圯道光元年邑人田秀貞田秀植重建

茶菴寺在治南四十里道光元年邑人袁前光袁前祖等重建

天居寺一在治南十里廢一在治西南三百二十里

白鳩坪明嘉靖間建廢

林佛寺在治西北五十里平陽壩廢

慈雲寺在治西五十里南木園僧圓功建

崇福寺在治西南六十里僧道達重建

龍潭寺在治北四十里甘家坪

羅鏡寺在治北三十里五寶山廢

華嚴寺在治西北九十里土門岷

興龍寺在治西南二百里譚家村廢

羅古寺在治西南一百二十里羅古溪廢



龍泉寺在治西北六十里趕珠山

三朝觀在治南五里廢嘉慶十八年邑人李卯開等募修

仙人觀在治南二十里福殿

三尖觀在治西南六十五里廢於寇嘉慶十年邑人龍學文鄧長春募修

迎龍觀在治東十里三潮水嘉慶二十年邑人向應章捐修

白鹿觀在治南一里廢

巴東縣志

卷之三

建置寺觀

三

威龍觀在治西北三十里陰坡廢嘉慶年邑民馬興科彭昌秀等募修

太平觀在治西五十里南木園嘉慶二十五年邑民向志德向志秀重修一在治西南二百五十里思陽水明天啟初建廢

八盤觀在治北五十里八盤山廢邑人譚賢道譚昭道等募修

龍會觀在治北三十里青溪

赤沙觀在治北二十五里羊乳山廢



天臺觀在治西北八十里天臺山廢

玉泉觀在治西北八十里元渡河廢

元聖觀在治北九十里茅坪圯

八角觀在治南五十里安居

飛梁觀在治西五十里萬石河廢

回龍觀在治西七十里水府

興龍觀在治西南二百里風木村廢

馬路觀在治西南二百里二十里廢

東華觀在治西南一百六十里家社坪明隆慶初建

巴東縣志

卷之三

建置寺觀

三

廢

朝陽觀在治西南三百二十里白鳩坪明嘉靖初建

國朝咸豐年後里民譚儒彬重修

八仙觀在治西南二百里丁字路明萬歷初建廢

祖師觀在治西南四百八十里龍窩廢

明硃觀在治南五十里嘉慶十年邑民譚戶道張發

龍等重修

崇寧庵在治南八十里元建明正德間重修

古樹庵在治西北一百四十里老木孔山腰明嘉靖



間建燬於盜山路多虎萬歷間邑民譚遜等重建  
知縣張尚儒題名

梅子庵在治西北三十里梅子坡岬口舊有望梅亭

廢明萬歷三十二年邑民范汝光胡璠靳忠等募

建張尚儒題名捐俸置地以居守者有碑銘見藝文復廢

回龍庵一在治西北七十里羅坪圪一在治西南二

百四十里水流坪明萬歷間建有溪流曲折而來

至此伏不見庵居其上頗稱幽勝

玉虛庵在治西北一百六十里石洞坡有塔二座土人

巴東縣志

卷之三

建置寺觀

三

呼為鋸鋸庵知縣齊祖望就其音相近者易今名

上中下三庵在治西北四十里水冲溪俱圪

香寺庵在治西七十里大池坪

天保庵在治南五十里天保山舊呼為窑坪庵齊祖望易今名

石佛庵在治西南二百里古樓山明萬歷間建圪

觀音庵在治西南二百二十里石橋明萬歷初建

國朝康熙八年重修

觀音堂一在治西北四十里孔道之旁廢康熙七年

四川總督劉公兆麒捐銀五十兩委駐防守備張



時堦重建廢於寇嘉慶十年邑人向緒順田秀銓  
等募修一在治西南二百里黃家灣康熙八年重  
修一在治西南四百八十里麁子河明嘉靖間覃  
萬雄建萬歷四十二年覃大恭重修

觀音閣在治南九十里思陽水

三聖宮在治西五十里火峯同治元年貢生薛祖槐  
薛德泰薛德玉等同建

帝主宮在治東半里乾隆年建道光十八年邑人孟  
大志等積貲重建

巴東縣志

卷之三

建置寺觀

美

地藏殿在治西北二十五里牛口乾隆二十五年浙  
民沈聖昭孫源昌祝慶遠邑人張子紳楊來遠同  
建

兩浙書院卽浙幫公所在治東一里許乾隆二年客  
民孫源昌沈聖昭祝慶遠等同建

塔院一在治西一里許卽雲峯寺廢有井居嶺上與  
江水同消長消不至涸長不至溢一在治西南一  
百八十里水通廢康熙九年重建廢

義舉



邑治高家碼頭上下街道康熙年間邑人高騰鴻捐貲修理

後山通施南路峯巒陡峻行旅艱難康熙年間邑人高騰鴻歲貢田國亮捐修碑誌尚存署儀門右

梯兒巖爲巴建必由之路凶險異常嘉慶二十三年邑人譚宏龍等修理費金千餘更名太平口

葉子壩河在治北岸五十五里道光十一年邑民吳科先等募貲疏之

葉子壩河道光四年邑民余前信設立義渡

巴東縣志

卷之三

建置義舉

五

龍船河口在治北岸二十五里咸豐十年生員向宗學等設立義渡

黃花河渡在治北岸六十五里道光元年生員向宗楷設立義渡

羅坪河在治北岸九十里邑民譚憲道等設立義渡  
義塔在治北岸二十五里牛口乾隆二十五年邑民張楷浙民沈聖昭等捐建收積白骨又於朱家店置山田一段造石棺三百六十口掩埋江面浮屍水冲廢浙民吳方禮等復建白骨池覆亭其上以



蔽風雨嘉慶二十二年又建白骨女塔道光八年  
火道光九年野三關巡檢徐龍章偕浙民沈昌齡  
等重修

義塚一在治北岸平陽壩貢生周之茂捐置一在治  
西南一百八十里野三關半里許浙民沈謙益捐  
置

字塔咸豐年邑民譚士全建於後鄉每年出貲雇人  
廣收字紙焚於塔內并捐修歸巴兩縣道路甚多